

摛藻堂四庫全書薈要

史部

欽定四庫全書叢書要

史部

前漢書卷九十九中

詳校官內閣侍讀丘孫球



欽定四庫全書

前漢書卷三十九

史部

前漢書卷三十九中

漢 蘭 臺 令 史班 固撰

唐正議大夫行秘書少監琅邪縣開國子顏師古注

莽傳第六十九中

始建國元年正月朔莽帥公侯卿士奉皇太后璽執上太皇太后師古曰執謂璽之組音弗順符命去漢號焉初莽妻宜春侯王氏女立為皇后師古曰王訴為丞相初封宜春侯傳爵至孫咸莽妻咸之女本

生四男宇獲安臨二子前誅死安頗荒忽

師古曰荒迺音呼廣反

以臨為皇太子安為新嘉辟

師古曰辟君也謂之辟者取為國君之義音壁封

字子六人子為功隆公壽為功明公吉為功成公宗為

功崇公世為功昭公利為功著公大赦天下莽乃策命

孺子曰咨爾嬰昔皇天右乃太祖

師古曰右讀曰佑佑助也

歷世十

二享國二百一十載厯數在于予躬詩不云乎侯服于

周天命靡常

師古曰大雅文王之詩也言殷之後嗣乃為諸侯服事周室是天命無常也謂微子

為宋封爾為定安公永為新室賓於戲

師古曰於戲音曰嗚呼敬

天之休

師古曰
休美也

往踐乃位毋廢予命又曰其以平原安

德潔陰高重丘凡戶萬地方百里為定安公國

師古曰
五縣也

潔音它合反
高音與隔同立漢祖宗之廟於其國與周後並行其正

朔服色世世以事其祖宗永以命德茂功享歷代之祀

焉以孝平皇后為定安太后讀策畢莽親執孺子手流

涕歔欷

師古曰
欷音許氣反

曰昔周公攝位終得復子明辟

今予獨迫皇天威命不得如意哀嘆良久中傳將孺子下殿北面而稱臣百僚陪位莫不感動又按金匱輔臣

皆封拜以太傅左輔驃騎將軍。○宋祁曰驃字當去旁馬字安陽侯

王舜為太師封安新公大司徒就德侯平晏為太傅就

新公少阿羲和京兆尹紅休侯劉歆為國師嘉新公廣

漢梓潼哀章為國將美新公是為四輔位上公太保後

丞承陽侯甄邯為大司馬承新公○師古曰承陽音蒸陽

○宋祁曰少阿晉灼

倚李奇音奇紅休南本作林字承南本作丞之不進侯

王尋為大司徒章新公步兵將軍成都侯王邑為大司

空隆新公是為三公大阿右拂大司空衛將軍廣陽侯

甄豐為更始將軍廣新公

師古曰拂
讀曰弼

京兆王興為衛將

軍奉新公輕車將軍成武侯孫建為立國將軍成新公

京兆王盛為前將軍崇新公是為四將凡十一公王興

者故城門令史王盛者賣餅莽案符命求得此姓名十

餘人兩人容貌應卜相徑從布衣登用以視神焉

師古曰視

讀曰餘皆拜為郎是日封拜卿大夫侍中尚書官凡數

百人諸劉為郡守皆徙為諫大夫改明光宮為定安館

定安太后居之以故大鴻臚府為定安公第

○宋祁曰
邵本無故

字新皆置門衛使者監領敕阿乳母不得與語常在四壁中

孟康曰令定安公居四壁中不得有所見

至於長大不能名六畜後莽

以女孫宇子妻之莽策羣司曰歲星司肅東嶽太師典

致時雨

應劭曰貌之不恭是謂不肅肅敬也厥罰常雨常雨水也故申戒厥任欲使雨澤以時也晉灼

曰衆物生於東方故戒太師也青烽登平考景以晷

服虔曰烽音暉如淳曰青氣之光輝

也晉灼曰言青陽之氣始升而上以成萬物也春秋

分立表以正東西東日之始出也故考景以晷屬焉

熒

惑司憲南嶽太傅典致時奧

應劭曰視之不明是謂不憲憲智也厥罰常燠燠暑

也晉灼曰南方陽盛之位太傅師尊之稱故戒之也師

古曰與音於六反韋昭曰司憲南方曰視君視明則臣

聰

赤煒頌平考聲以律

晉灼曰頌寬頌也夏假也物假大乃宣平也六月陰氣之始故

為地統地之中數六六為律律有形有色

尚黃故考聲以律屬焉師古曰頌讀曰容

西嶽國師典致時陽

應劭曰言之不從是謂不艾艾安也厥罰常陽陽旱也師古曰艾讀

白煒象平考量以銓

應劭曰量斗斛也銓權衡也晉灼曰象形也萬物無不成形於

西方大小輕重皆可知故稱量屬焉

辰星司謀北嶽國將典致時寒

應劭曰聽

之不聰是謂不謀謀圖也厥罰常寒

晉灼曰晉灼曰謀圖也

北伏也陽氣伏於下陰主殺故戒

國將

玄煒和平考

星以漏

應劭曰推五星行度以漏刻也晉灼曰和合也萬物皆合藏於北方水又主平故曰和平歷度

起於斗分日月紀於攝提攝提值

斗杓所指以建時節故考星屬焉月刑元股左司馬典

致武應考方法矩

張晏曰月為刑司馬主武又典天故使主威刑也

主司天文

欽若昊天敬授民時力來農事以豐年穀

師古曰欽敬也若順也力

來勸勉之也
音郎代反

日德元玄右司徒典致文瑞考圜合規

張晏

曰日為陽位晉灼曰玄圜也五教在寬則和氣

感物四靈見象故文瑞屬焉師古曰玄古肱字

主司人

道五教是輔帥民承上宣美風俗五品乃訓

師古曰五教謂父義

母慈兄友弟恭子孝也五品即五常謂仁義禮智信

斗平元心中司空典致物圖

考度以繩

張晏曰斗北斗也主齊七政司空主水土土為中故責之孟康曰易河出圃洛出書司空

主水土責以其物也晉灼曰中央為四季土土者信信者直故為繩

主司地里平治水土

掌名山川衆殖鳥獸蕃茂草木各策命以其職如典誥

之文置大司馬司允大司徒司直大司空司若位皆孤

卿師古曰允信也若順也更名大司農曰羲和後更為納言大理

曰作士太常曰秩宗大鴻臚曰典樂少府曰共工師古曰共

讀曰龔水衡都尉曰予虞與三公司卿凡九卿分屬三公

每一卿置大夫三人一大夫置元士三人凡二十七大

夫八十一元士分主中都官諸職宋祁曰或無官字更名光祿

勳曰司中太僕曰太御衛尉曰太衛執金吾曰奮武中

尉曰軍正。

○劉攽曰

中尉廢久此安得

又置大贊官主

乘輿服御物

師古曰

贊聚也言財物所聚也

贊音之銳反○劉奉世曰贊讀如虎賁綏衣之綏

後又典兵秩位皆上卿號曰六監改郡太守曰大尹都

尉曰太尉縣令長曰宰御史曰執法公車司馬曰王路

四門長樂宮曰常樂室未央宮曰壽成室前殿曰王路

堂服虔曰如言路寢也長安曰常安更名秩百石曰庶士三百石

曰下士四百石曰中士五百石曰命士六百石曰元士

千石曰下大夫比二千石曰中大夫二千石曰上大夫

中二千石曰卿車服黻冕各有差品

師古曰此黻謂衣裳之黻

又置

司恭司徒

劉攽曰徒改從

司明司聰司中大夫及誦詩工徹

膳宰以司過策曰予聞上聖欲昭厥德罔不慎修厥身

用綏于遠是用建爾司于五事毋隱尤毋將虛

師古曰尤過也

勿隱吾過而助為虛美也言好惡不愆立于厥中

師古曰於愆違也

戲勗哉師古曰於戲讀令王路設進善之旌非謗之木

欲諫之鼓師古曰非音諭諫大夫四人常坐王路門受言事者

封王氏齊縗之屬為侯大功為伯小功為子緼麻為男

其女皆為任

師古曰任充也男服男以睦女以隆為號之義男亦任也音壬

馬

師古曰睦隆皆其受封邑之號取嘉名也

皆授印鞞

師古曰鞞亦印之組次下並同

令諸

侯立大夫人夫人世子亦受印鞞又曰天無二日土無

二王百王不易之道也漢氏諸侯或稱王至于四夷亦

如之違於古典繆於一統其定諸侯王之號皆稱公及

四夷僭號稱王者皆更為侯又曰帝王之道相因而通

盛德之祚百世享祀予惟黃帝帝少昊帝顓頊帝嚳帝

堯帝舜帝夏禹臯陶伊尹咸有聖德假于皇天

師古曰假至也

升也。音功烈巍巍光施于遠。○宋祁曰施予甚嘉之營
工雅反。

求其後將祚厥祀惟王氏虞帝之後也出自帝嚳劉氏

堯之後也出自顓頊於是封姚恂為初睦侯奉黃帝後

服虔曰姚舜姓故封為黃帝後

○宋祁曰字書恂信也音詢

梁護為修遠伯奉少昊

後服虔曰以為伯益之後故封之皇孫功隆公千奉帝嚳後劉歆為祁

烈伯奉顓頊後國師劉歆子豐為伊休侯奉堯後

師古上

言紅休侯劉歆為國師嘉新公今此云劉歆為祁烈伯又言國師劉歆子為伊休侯是則祁烈伯自別一劉歆

非國師也。○宋祁曰伊休疑是紅休昌為始睦侯奉虞帝後山遵為襄

謀子奉臯陶後伊玄為襄衡子奉伊尹後漢後定安公
劉嬰位為賓周後衛公姬黨更封為章平公亦為賓殷
後宋公孔弘運轉次移更封為章昭侯位為恪師古曰
言待之加敬亦如賓也周以舜後并祀宋為三恪也夏後遼西姒豐封為章功侯
亦為恪服虔曰夏姓四代古宗宗祀于明堂以配皇始祖考
虞帝周公後襄魯子姬就宣尼公後襄成子孔鈞已前
定焉莽又曰予前在攝時建郊宮定祧廟立社稷師古曰遠
祖曰祧音吐堯反。劉奉世曰四代以下十七字其義不倫莽方封先聖後未當及此且已有後文此字當衍

神祇報況師古曰或光自上復于下流為烏師古曰復

或黃氣熏蒸昭耀章明以著黃虞之烈焉

師古曰烈餘業也自云承

黃虞之後自黃帝至于濟南伯王而祖世氏姓有五矣

師古曰濟

南伯王莽之高祖黃帝二十五子分賜厥姓十有二氏虞帝之

先受姓曰姚其在陶唐曰媯在周曰陳在齊曰田在濟

南曰王予伏念皇初祖考黃帝皇始祖考虞帝以宗祀

于明堂

○宋祁曰南本云皇姓始祖考以當作己

宜序於祖宗之親廟其立

祖廟五親廟四后夫人皆配食郊祀黃帝以配天黃后

以配地孟康曰黃以新都侯東第為大祫歲時以祀師

古

曰祫祀也立此大祠

師古曰言國已立大祫祠

常以歲時祀其先也家之所尚種祀天下

師古曰言國已立大祫祠

先祖矣其衆庶之家所尚者各令傳祀勿絕普天之下

師古曰言國已立大祫祠

同其法○劉奉世曰此謂葬家所尚之種祀示令天下

師古曰言國已立大祫祠

傳以為種祠不得不奉祀

師古曰言國已立大祫祠

亦猶漢高之粉榆社也

師古曰言國已立大祫祠

姚媯陳田王氏凡五姓者皆

黃虞苗裔予之同族也書不云乎惇序九族

師古曰虞書咎繇摹

之辭也其令天下上此五姓名籍于秩宗皆以為宗室

師古曰虞書咎繇摹

惇厚也

師古曰復音方目反與讀曰預

其元城王氏勿令相

師古曰元城王氏不得與四姓昏

世世復無有所與

師古曰復音方目反與讀曰預

其元城王氏勿令相

師古曰元城王氏不得與四姓昏

嫁娶以別族理親焉娶以其同祖也餘它王氏則不禁

焉

封陳崇為統睦侯奉胡王後

孟康曰追
王陳胡公

田豐為世睦

侯奉敬王後

孟康曰追
王陳敬仲

天下牧守皆以前有翟義趙明

等領州郡懷忠孝封牧為男守為附城又封舊恩戴崇

金涉箕閼陽並等子皆為男遣騎都尉置等

師古曰置
音許驕反

分治黃帝園位於上都橋時

師古曰橋山之上故曰橋
時也。劉敞曰都當作郡

虞帝於零陵九疑胡王於淮陽陳敬王於齊臨淄愍王

於城陽莒

服虔曰
齊愍王

伯王於濟南東平陵孺王於魏郡元

城

師古曰莽之高祖名遂字伯紀曾
城祖名賀字翁孺故謂之伯王孺王

使者四時致祠其

廟當作者以天下初定且祫祭於明堂太廟以漢高廟

為文祖廟

師古曰欲法舜受終於文祖

莽曰予之皇始祖考虞帝受

嬗于唐

師古曰嬗古禪字

漢氏初祖唐帝世有傳國之象

師古曰堯

傳舜漢傳莽自以舜後故言有傳國之象

予復親受金策於漢高皇帝之靈

惟思襄厚前代何有忘時漢氏宗祖有七

蘇林曰漢本紀祖宗有四

莽以元帝成帝平帝為宗故有七

以禮立廟于定安國其園寢廟在京

師者勿罷祠薦如故予以秋九月親入漢氏高元成平

之廟諸劉更屬籍京兆大尹勿解其復各終厥身

師古曰復

音方州牧數存問勿令有侵寃又曰予前在大麓至于
攝假師古曰大麓者謂為大司馬宰衡時妾引舜納于
大麓烈風雷雨不迷也攝假謂初為攝皇帝又為
假皇深惟漢氏三七之阨赤德氣盡思索廣求師古曰
索亦求也音山所以輔劉延期之術靡所不用以故作金刀之
利幾以濟之師古曰幾讀曰冀然自孔子作春秋以為後王法
至于哀之十四而一代畢協之於今亦哀之十四也張晏
曰漢哀帝即位六年平帝五年居攝三年凡十四年赤世計盡終不可強濟皇天
明威黃德當興隆顯大命屬予以天下師古曰屬音之欲反今百

姓咸言皇天革漢而立新

師古曰
革改也

廢劉而興王夫劉之

為字卯金刀也正月剛卯金刀之利皆不得行

服虔曰
剛卯以

正月卯日作佩之長三寸廣一寸四方或用玉或用金
或用桃著革帶佩之今有玉在者銘其一面曰正月剛
卯金刀莽所鑄之錢也晉灼曰剛卯長一寸廣五分四
方當中央從穿作孔以采絲茸其底如冠纓頭麤刻其
上面作兩行書文曰正月剛卯既央靈殳四方赤青白
黃四色是當帝令祝融以敷孽龍庶疫剛瘴莫我敢當
其一銘曰疾日嚴卯帝令變化順爾固伏化茲靈殳既
正既直既觚既方庶疫剛瘴莫我敢當師古曰今往往
有土中得玉剛卯者案大小及衣服說是也莽以劉
字上有卯下有金旁又有刀故禁剛卯及金刀也

劉博

謀卿士僉曰天人同應昭然著明其去剛卯莫以為佩

除刀錢勿以為利承順天心快百姓意乃更作小錢徑六分重一銖文曰小錢直一與前大錢五十者為二品並行欲防民盜鑄乃禁不得挾銅炭是歲四月徐鄉侯劉快結黨數千人起兵於其國師古曰快膠東恭王子從火與此不同疑表誤。宋祁曰越本無是歲二字韋昭云徐鄉東萊縣也快兄殷故漢膠東王時改為扶崇公快舉兵攻即墨殷閉城門自繫獄吏民距快快敗走至長廣死莽曰昔予之祖濟南愍王困於燕寇自齊臨淄出保于莒宗人田單廣設奇謀獲

殺燕將復定齊國今即墨士大夫復同心殄滅反虜予甚嘉其忠者憐其無辜其赦殷等非快之妻子它親屬當坐者皆勿治弔問死傷賜亡者葬錢人五萬殷知大命深疾惡快以故輒伏厥辜其滿殷國戶萬地方百里又封符命臣十餘人莽曰古者設廬井八家一夫一婦田百畝什一而稅則國給民富而頌聲作師古曰此唐虞之道三代所遵行也秦為無道厚賦稅以自供奉罷民力以極欲師古曰讀曰疲壞聖制廢井田是以兼并起貪

鄙生强者規田以千數弱者曾無立錐之居又置奴婢

之市與牛馬同蘭

師古曰蘭謂遮蘭之若牛馬蘭園也

制於民臣顙斷其

命姦虐之人因緣為利至略賣人妻子逆天心詩人倫

詩古曰詩亂也詩音布內反

繆於天地之性人為貴之義

師古曰孝經稱孔子

曰天地之性人為書曰予則奴戮女

師古曰夏書甘誓之辭也奴戮戮之

以為奴也說書者以為孥子也戮及妻子此說非

也秦誓云因奴正士豈及子之謂乎女讀曰汝

唯不

用命者然後被此臯矣漢氏減輕田租三十而稅一常

有更賦罷癃咸出

師古曰更音工衡反罷音疲癃音隆

而豪民侵陵分田

劫假厥名三十稅一實什稅五也

師古曰解並在食貨志

父子夫

婦終年耕芸

師古曰芸字與耘同

所得不足以自存故富者犬馬

餘菽粟驕而為邪貧者不厭糟糠窮而為姦

師古曰獻飽也

俱

陷于辜刑用不錯

○宋祁曰錯置也音千故反

予前在大

麓始令天下公田口井

師古曰計口而為井田

時則有嘉禾之祥

遭反虜逆賊且止今更名天下田曰王田奴婢曰私屬

皆不得賣買其男口不盈八而田過一井者分餘田予

九族鄰里鄉黨故無田今當受田者如制度敢有非井

田聖制無法惑衆者投諸四裔以禦魑魅

師古曰魑山神也魅老物

精也魑音魅如皇始祖考虞帝故事是時百姓便安漢五

銖錢以莽錢大小兩行難知又數變改不信皆私以五

銖錢市買訛言大錢當罷莫肯挾莽患之復下書諸挾

五銖錢言大錢當罷者比非井田制投四裔於是農商

失業食貨俱廢民人至涕泣於市道及坐賣買田宅奴

婢鑄錢自諸侯卿大夫至于庶民抵罪者不可勝數秋

遣五威將王奇等十二人班符命四十二篇於天下德

祥五事符命二十五福應十二凡四十二篇其德祥言文宣之世黃龍見于成紀新都高祖考王伯墓門梓柱生枝葉之屬符命言井石金匱之屬福應言雌雞化為雄之屬其文爾雅依託皆為作說師古曰爾雅近正也謂近於正經依古義而為大歸言莽當代漢有天下云總而說之曰帝王受命必有德祥之符瑞協成五命申以福應師古曰五命謂五行之次相承以受命也申重也然後能立巍巍之功傳于子孫永享無窮之祚故新室之興也德祥發於漢三七九世之後蘇林曰二

百一十歲肇命於新都受瑞於黃支

孟康曰獻生犀。宋祁曰注文孟康。

曰下當有開王於武功定命於子同

孟康曰梓潼。成也莽改也。

於巴宕

晉灼曰巴郡。宕渠縣也。

申福於十二應天所以保佑新室

者深矣固矣武功丹石出於漢氏平帝末年火德銷盡

土德當代皇天眷然去漢與新以丹石始命於皇帝皇

帝謙讓以攝居之未當天意故其秋七月天重以三能

文馬

服虔曰三台星也。晉灼曰許慎說文馬縕身。金精周成王時大戎獻之。師古曰能音台。

皇帝

復謙讓未即位故三以鐵契四以石龜五以虞符六以

文圭七以玄印八以茂陵石書九以玄龍石十以神井
十一以大神石十二以銅符帛圖申命之瑞寔以顯著
師古曰寔漸也至于十二以昭告新皇帝皇帝深惟上天之威
不可不畏故去攝號猶尚稱假改元為初始欲以承塞
天命克厭上帝之心師古曰塞當煩也然非皇天所以鄭重
降符命之意師古曰鄭重猶言頻煩也重音直用反故是日天復決其所
以勉書孟康曰哀章所作策書也言數有瑞應恭自謙居攝天復決其疑勸勉令為真也晉灼曰勉字當為龜是日自復有龜書及天下金匱圖策事也師古曰孟說是○宋祁曰別本無復決其三字邵本無其字

又侍郎王盱見人衣白布單衣赤績方領師古曰績者會五采也以
布為單衣以赤加績為其方領也盱音許于反績音胡內反冠小冠立于王路殿前
謂盱曰今日天同色以天下人民屬皇帝師古曰同色者言五方天
神共齊其謀同其顏色也字或作包包者言天總包括天下人衆而與莽也其義兩通屬委也音之欲反盱
恠之行十餘步人忽不見至丙寅暮漢氏高廟有金匱
圖策高帝承天命以國傳新皇帝明旦宗伯忠孝侯劉
宏以聞乃召公卿議未決而大神石人談曰趣新皇帝
之高廟受命師古曰趣於是新皇帝立登車之漢

讀曰促

氏高廟受命受命之日丁卯也丁火漢氏之德也卯劉姓所以為字也明漢劉火德盡而傳於新室也皇帝謙謙既備固讓十二符應迫著命不可辭師古曰迫促懼也著明也 懼然祇畏葦然閔漢氏之終不可濟師古曰懼音瞿瞿然自失之意也葦然變音居具反 蒼蒼在左右之不得從意師古曰蒼蒼自動之貌也瞿也言欲助漢室而迫天命不得從其本意也左右音曰佐佑也 為之三夜不御寢三日不御食延問公侯卿大夫僉曰宜奉如上天威命於是乃改元定號海內更始新室既定神祇懼喜申以福應

吉瑞累仍師古曰申重也仍頻也詩曰宜民宜人受祿于天保右

命之自天申之

師古曰大雅假樂之詩也言有功德宜於衆人者則受天之福祿天乃保安而

佑助之命以邦國也申謂重其意也右讀曰佑

此之謂也五威將奉符命齎印

綬王侯以下及吏官名更者

師古曰更改也外及匈奴西域徼

外蠻夷皆即授新室印綬因收故漢印綬賜吏爵人二

級民爵人一級女子百戶羊酒蠻夷幣帛各有差大赦

天下五威將乘乾文車

鄭氏曰畫天文象於車也

駕坤六馬

鄭氏曰坤為牝

馬六地數背負鷺鳥之毛服飾甚偉

師古曰鷺鳥雉屬即鵠

鶴也今俗呼之山雞非

也驚每一將各置左右前後中帥凡五帥衣冠車服駕音鼈

馬各如其方面色數

師古曰色者東方青南方赤也數者若木數三火數二之類也

將持節稱太一之使帥持幢稱五帝之使莽策命曰普天

之下迄于四表

師古曰迄亦至也

靡所不至其東出者至玄菟

樂浪高句驪夫餘

師古曰夫餘亦東北夷也樂音洛浪音郎夫音扶

南出者隃

徼外歷益州

師古曰渝字與踰同

貶句町王為侯西出者至西域

盡改其王為侯北出者至匈奴庭授單于印改漢印文

去璽曰章單于欲求故印陳饒椎破之語在匈奴傳單

于大怒而句町西域後卒以此皆畔饒還拜為大將軍
封威德子冬雷師古曰雷字桐華置五威司命中城四關將
軍司命司上公以下中城主十二城門策命統睦侯陳
崇曰咨爾崇夫不用命者亂之原也大姦猾者賊之本
也鑄偽金錢者妨寶貨之道也驕奢踰制者兇害之端
也漏泄省中及尚書事者機事不密則害成也師古曰易上繫
之辭曰君不密則失臣臣不密則失身機事不密則害成故引之
拜爵王庭謝恩私門
者祿去公室政從亡矣凡此六條國之綱紀是用建爾

作司命柔亦不茹剛亦不吐不侮鰥寡不畏強圉

師古曰引

詩大雅美仲山甫之辭其義並解於上帝命帥繇統睦于朝

師古曰帥循繫之辭也

同命說符侯崔發曰重門擊柝以待暴客

師古曰易下擊

柝謂擊木以守夜也暴客謂姦暴之人來為寇害者也柝音他各反○宋祁曰柝一作柝女作五戚

中城將軍

師古曰女讀曰汝其下並同○宋祁曰中或作關

中德既成天下說

符說音悅命明威侯王紱曰繞雷之固南當荆楚

服虔曰隘

險之道師古曰謂之繞雷者言四面塞阤其道屈曲谿谷之水回繞而雷也其處即今商州界七盤十二繞是

也雷音力救反女作五威前關將軍振武奮衛明威于前命尉

睦侯王嘉曰羊頭之阨北當燕趙

師古曰羊頭山名
在上黨壺關縣

女

作五威後關將軍壺口捶撓尉

師古曰壺口亦
後山名也捶撓謂

據險阨而捶擊也捶音之藥反命堂威侯王奇曰肴龜之險東當鄭衛

皆在陝縣之東龜音莫善反女作五威左關將軍函谷

批難掌威于左

師古曰批謂糾閉之也函谷故關今在桃林縣界批音步結反○宋祁曰掌當

作堂蕭該曰案晉灼音義作批難字林云擊也父迷反廣雅曰批擊也釋名曰批兩指相裨助共擊也命

懷羌子王福曰汧隴之阻西當戎狄

師古曰汧扶風汧縣有吳山汧水之

阻隴謂隴坻也汧隴相連汧音苦堅反坻音丁禮反

女作五威右關將軍成固據

守懷羌于右又遣諫大夫五十人分鑄錢於郡國是歲

長安狂女子碧呼道中

師古曰碧者女子名也呼咷也音火故反

曰高皇帝

大怒趣歸我國不者九月必殺汝

師古曰讀曰促趣莽收捕殺

之治者掌寇大夫陳成自免去官

師古曰狂妄之人職在掌寇故云治者

真定劉都等謀舉兵發覺皆誅真定常山大雨雹

師古曰雨

音于具反二年二月赦天下五威將帥七十二人還奏事漢

諸侯王為公者悉上璽綬為民無違命者封將為子帥

為男初設六筦之令

師古曰筦亦管字也管主也韋昭曰謂禁地而猶開一路以專之如

者命縣官酤酒賣鹽鐵器鑄錢諸采取名山大澤衆物

者稅之又令市官收賤賣貴賒貸子民收息百月三

淳如

曰出百錢與民用月收其息三錢也師古曰貸音吐戴反義和置酒士郡一人乘傳

督酒利師古曰督察視之傳音張戀反禁民不得挾弩鎧徒西海匈奴

單于求故壘莽不與遂寇邊郡殺略吏民十一月立國

將軍建奏西域將欽上言師古曰但欽也九月辛巳戊己校尉

史陳良終帶共賊殺校尉刁護師古曰刁音貂○宋祁曰刁並注改作刀劫

略吏士自稱廢漢大將軍亡入匈奴又今月癸酉不知

何一男子遮臣建車前自稱漢氏劉子輿成帝下妻子

也師古曰下妻猶言小妻也劉氏當復

師古曰復音扶福反

趣空宮師古曰趣

收繫男子即常安姓武字仲皆逆天違命

或作妻字一宋祁曰男

本無大逆無道請論仲及陳良等親屬當坐者奏可漢

違字大逆無道請論仲及陳良等親屬當坐者奏可漢

師古曰比頻也言高帝頻戒云勿使

氏高皇帝比著戒云罷吏卒為賓食

高帝頻戒云勿使

吏卒守漢廟欲為寄誠欲承天心全子孫也其宗廟不

食之賓於王氏廟中

當在常安城中及諸侯者當與漢俱廢陛下至

仁久未定前故安衆侯劉崇徐鄉侯劉快陵鄉侯劉曾

師古曰楚扶恩侯劉貴等

師古曰不

知誰子孫

更聚衆謀反

師古曰更

音工衡反

今狂狡之虜或妄自稱亡漢將軍或稱成帝子子

興至犯夷滅連未止者此聖恩不蚤絕其萌牙故也臣

愚以為漢高皇帝為新室賓享食明堂成帝異姓之兄

弟平帝皆不宜復入其廟元帝與皇太后為體

師古

曰夫婦聖恩所隆禮亦宜之臣請漢氏諸廟在京師者

師古

皆罷諸侯為諸侯者以戶多少就五等之差其為吏者

皆罷待除於家

師古曰罷黜其職各使退歸而言在家待遷除

上當天心稱高

皇帝神靈師古曰音尺孕反稱塞狂狡之萌莽曰可嘉新公國師

以符命為予四輔明德侯劉龜率禮侯劉嘉等凡三十

二人皆知天命或獻天符或貢昌言昌善也或捕告反

虜厥功茂焉諸劉與三十二人同宗共祖者勿罷賜姓

曰王唯國師以女配莽子故不賜姓改定安太后號曰

黃皇室主絕之於漢也冬十二月雷更名匈奴單于曰

降奴服于莽曰降奴服于知師古曰知者莽改單于威之名也本名囊知牙斯威

侮五行師古曰引夏書甘誓之文背畔四條作制者事在匈奴傳侵

犯西域延及邊垂為元元害臯當夷滅命遣立國將軍

孫建等凡十二將十道並出共行皇天之威罰于知之

身

師古曰共

惟知先祖故呼韓邪單于稽侯狥

師古曰狥音刪

又音先安反韋昭曰狥惡健犬也

累世忠孝保塞守徼不忍以一知之

罪滅稽侯狥之世今分匈奴國土人民以為十五立稽

侯狥子孫十五人為單于遣中郎將藺苞戴級馳之塞

下召拜當為單于者諸匈奴人當坐虜知之法者皆赦

除之遣五威將軍苗訢虎賁將軍王況出五原厭難將

軍陳欽震狄將軍王巡出雲中

師古曰厭音一涉反

振武將軍王

嘉平狄將軍王萌出代郡相威將軍李攀鎮遠將軍李

翁出西河

師古曰攀音所禁反字林曰攀支條攀麗也

誅貉將軍

陽俊討穢將軍嚴尤出漁陽奮武將軍王駿定胡將軍

王晏出張掖及偏裨以下百八十人募天下囚徒丁男

甲卒三十萬人轉衆郡委輸五大夫衣裘兵器糧食長

吏送自負海江淮至北邊使者馳傳督趣以軍興法從

事

師古曰傳音張戀反趣音促。

劉奉世曰五大夫不可曉疑衍天下騷動先至者屯

邊郡須畢具乃同時出莽以錢幣訖不行師古曰訖竟也復下

書曰民以食為命以貨為資是以八政以食為首寶貨
皆重則小用不給皆輕則僦載煩費師古曰僦送也一
曰賃也音子就反

輕重大小各有差品則用便而民樂於是造寶貨五品
語在食貨志百姓不從但行小大錢二品而已盜鑄錢
者不可禁迺重其法一家鑄錢五家坐之沒入為奴婢
吏民出入持布錢以副符傳師古曰舊法行者持符傳
即不稽留今更令持布錢
與符相副乃得過也傳
音張戀反其下亦同不持者厨傳勿舍關津苛留師
古

曰厨行道飲食處傳置
驛之舍也 莩問也 音何

公卿皆持以入宮殿門欲以重

而行之是時爭為符命封侯其不為者相戲曰獨無天

帝除書乎司命陳崇白莽曰此開姦臣作福之路而亂

天命宜絕其原莽亦厭之遂使尚書大夫趙並驗治非

五威將率所班皆下獄初甄豐劉歆王舜為莽腹心倡

導在位

師古曰倡音赤上反。蕭該曰所班舊作所辨案韋昭曰辨布也音班或作班

褒揚功

德安漢宰衡之號及封莽母兩子兄子皆豐等所共謀

而豐舜歆亦受其賜並富貴矣非復欲令莽居攝也

宋

祁曰或無貴字

居攝之萌出於泉陵侯劉慶前輝光謝囂長安

令田終術莽羽翼已成意欲稱攝豐等承順其意莽輒

復封舜歆兩子及豐孫豐等爵位已盛心意既滿又實

畏漢宗室天下豪桀而疏遠欲進者並作符命莽遂據

以即真舜歆內懼而已豐素剛強莽覺其不說師古曰說讀曰

悅故徙大阿右拂大司空豐託符命文為更始將軍

師古

曰拂讀與賣餅兒王盛同列豐父子默默時子尋為侍
郎

中京兆大尹茂德侯即作符命言新室當分陝立二伯

師古曰分陝者欲依周公召公故事自陝以東周公主之自陝以西召公主之陝即今陝州是其地也伯長也陝音式以豐為右伯太傅平晏為左伯如周召故事莽再反即從之拜豐為右伯當述職西出未行尋復作符命言故漢氏平帝后黃皇室主為尋之妻莽以詐立心疑大臣怨謗欲震威以懼下因是發怒曰黃皇室主天下母此何謂也收捕尋尋亡豐自殺尋隨方士入華山歲餘捕得辭連國師公歆子侍中東通靈將五司大夫劉奉世亦疑其譌非史本文曰東通靈將五司大夫

伐虜侯泳大司空邑弟左關將軍堂威侯奇及歆門人
侍中騎都尉丁隆等牽引公卿黨親列侯以下死者數
百人尋手理有天子字莽解其臂入視之曰此一天子
也。○宋祁曰天或作大或曰一六子也六者戮也明尋父子當戮
死也迺流棄于幽州放尋于三危殛隆于羽山師古曰效舜之

罰共工等也殛皆驛車載其屍傳致云莽為人侈口蹙

誅也音居力反頸師古曰侈大也蹙短也頸露眼赤精大聲而嘶師古曰斯

聲破也音先奚反長七尺五寸好厚履高冠以鍪裝衣師古曰毛之强

曲者曰羣以裝楷衣中令其張起也羣音力之反字或作羣音義同

反膺高視瞰臨左右

師古曰瞰謂遠視也音曲濫反

是時有用方技待詔黃門者或問以莽

形貌待詔曰莽所謂鵠目虎吻豺狼之聲者也故能食

人亦當為人所食問者告之莽誅滅待詔而封告者後

常翳雲母屏面

師古曰屏面即便面蓋扇之類也解在張敬傳非親近莫得見

也是歲以初睦侯姚恂為寧始將軍三年莽曰百官改

更職事分移律令儀法未及悉定且因漢律令儀法以

從事令公卿大夫諸侯二千石舉吏民有德行通政事

能言語明文學者各一人詣王路四門。宋祁曰路字下有門字遺

尚書大夫趙並使勞北邊還言五原北假膏壤殖穀

曰北假地名也膏壤言其土肥美也殖生也

將軍發戍卒屯田北假以助軍糧是時諸將在邊須大

衆集

師古曰須待也

吏士放縱而內郡愁於徵發民棄城郭流

亡為盜賊并州平州尤甚莽令七公六卿號皆兼稱將

軍遣著武將軍遂並等填名都

師古曰遼音錄填音竹刀反此下亦同

中

郎將繡衣執法各五十五人分填緣邊大郡督大姦猾

擅弄兵者皆便為姦於外撓亂州郡

師古曰撓音火貨高反其字從手貨

賂為市侵漁百姓莽下書曰虜知罪當夷滅故遣猛將

分十二部將同時出一舉而決絕之矣內置司命軍正

外設軍監十有二人誠欲以司不奉命令軍人咸正也

今則不然各為權勢恐獨良民

師古曰獨以威力脅之也音呼葛反

妄封

人頸得錢者去

如淳曰權臣妄以法枉良人為僮僕封其頸以別之也得顧錢乃去封

毒

蠶竝作農民離散

師古曰蠶音呼各反

司監若此可謂稱不

師古曰稱

音尺孕反自今以來敢犯此者輒捕繫以名聞然猶放縱自

若而藺苞戴綴到塞下招誘單于弟咸咸子登入塞脅
拜咸為孝單于賜黃金千斤錦繡甚多遣去將登至長
安拜為順單于留邸太師王舜自莽篡位後病悸寢劇
死古曰心動曰悸寢漸也
季反○宋祁曰悸舊作喘音莽曰昔齊太公以淑
德累世為周氏太師蓋予之所監也謂視見也其以舜
子延襲父爵為安新公延弟褒新侯匡為太師將軍永
為新室輔為太子置師友各四人秩以大夫以故大司
徒馬宮為師疑故少府宗伯鳳為傅丞博士袁聖為阿

輔京兆尹王嘉為保拂

師古曰拂讀曰弼

是為四師故尚書令

唐林為胥附博士李充為犇走

師古曰奔字

諫大夫趙襄

為先後中郎將廉丹為禦侮是為四友又置師友祭酒

及侍中諫議六經祭酒各一人凡九祭酒秩上卿琅邪

左咸為講春秋潁川滿昌為講詩長安國由為講易平

陽唐昌為講書沛郡陳咸為講禮崔發為講樂祭酒遣

謁者持安車印綬即拜楚國龔勝為太子師友祭酒勝

不應徵不食而死寧始將軍姚恂免侍中崇祿侯孔永

為寧始將軍是歲池陽縣有小人景長尺餘或乘車馬
或步行操持萬物小大各相稱師古曰車馬及物皆稱其人之形三日
止瀕河郡蝗生諸郡瀕音頻又音賓河決魏郡泛清河
以東數郡先是莽恐河決為元城冢墓害及決東去元
城不憂水故遂不堤塞四年二月赦天下夏赤氣出東
南竟天厭難將軍陳歆言捕虜生口虜犯邊者皆孝單
于咸子角所為莽怒斬其子登于長安以視諸蠻夷師古曰視音

大司馬甄邯死寧始將軍孔永為大司馬侍中

曰示

大贊侯輔為寧始將軍莽每當出輒先搜索城中名曰

橫搜

師古曰索音山各反橫音胡孟反

是月橫搜五日莽至明堂授諸

侯茅土下書曰予以不德襲于聖祖為萬國主思安黎

元在于建侯分州正域以美風俗

宋祁曰分字下當有九字追監

前代爰綱爰紀惟在堯典十有二州衛有五服

師古曰並解於

上詩國十五怖徧九州

師古曰謂周南召南衛王鄭齊魏唐秦陳鄆曹豳魯商凡十五

國也一曰周南召南鄭齊魏唐秦陳鄆曹豳是為十五國怖音普胡反○宋祁曰國字當作殷

頌有奄有九有之言

師古曰商頌玄鳥之詩美湯有功德故能覆有九州

禹貢之

九州無并幽周禮司馬則無徐梁。

宋祁曰淳化

本無并二字

帝王

相改各有云為或昭其事或大其本厥義著明其務一
矣昔周二后受命故有東都西都之居予之受命蓋亦
如之其以洛陽為新室東都常安為新室西都邦畿連
體各有采任州從禹貢為九爵從周氏有五諸侯之員
千有八百附城之數亦如之以侯有功諸公一同有衆
萬戶土方百里侯伯一國衆戶五千土方七十里子男
一則衆戶二千有五百土方五十里附城大者食邑九

成衆戶九百土方三十里自九以下降殺以兩

師古曰
兩兩而

降也殺音
所例反

至於一成

如淳曰十
里為成

五差備具合當一則今

已受茅土者公十四人侯九十三人伯二十一人子百

七十一人男四百九十七人凡七百九十六人附城千

五百一十一人九族之女為任者八十三人及漢氏女

孫中山承禮君遵德君修義君更以為任十有一公九

卿十二大夫二十四元士定諸國邑采之處使侍中講

理大夫孔秉等與州部衆郡曉知地理圖籍者共校治

于壽成朱鳥堂予數與羣公祭酒上卿親聽視咸已通
矣夫褒德賞功所以顯仁賢也九族和睦所以褒親親
也予永惟匪解思稽前人師古曰解讀將章默陟以明
曰解稽考也

好惡安元元焉以圖簿未定未授國邑且令受奉都內

月錢數千師古曰奉音扶用反諸侯皆困乏至有庸作者中郎區

博諫莽曰師古曰區姓一侯反井田雖聖王法其廢久矣周道

既衰而民不從秦知順民之心可以獲大利也故滅廬
井而置阡陌遂王諸夏訖今海內未厭其敝今欲違民

心追復千載絕迹

師古曰復音扶目反

雖堯舜復起而無百年之

漸弗能行也天下初定萬民新附誠未可施行莽知民

怨迺下書曰諸名食王田皆得賣之勿拘以法犯私買

賣庶人者且一切勿治初五威將帥出改句町王以為

侯王邯怨怒不附

師古曰邯句町王之名也音下甘反

莽諷群柯大尹周

欒詐殺邯弟承起兵攻殺欒先是莽發高句驪兵當

伐胡不欲行郡强迫之皆亡出塞因犯法為寇遼西大

尹田譚追擊之為所殺州郡歸咎於高句驪侯駟嚴尤

奏言貉人犯法不從騎起正有它心宜令州郡且尉安

之師古曰假令騎有惡心亦當且慰安

今猥被以大罪恐其遂畔

師古曰猥多也

厚也被加也音皮義反

夫餘之屬必有和者

師古曰和應音胡臥反

匈奴未

克夫餘穢貉復起此大憂也莽不尉安穢貉遂反詔尤

擊之尤誘高句驪侯騎至而斬焉傳首長安莽大說下

書曰迺者命遣猛將共行天罰

師古曰共讀曰恭

誅滅虜知分

為十二部或斷其右臂或斬其左股或潰其胷腹或絇

其兩脅

師古曰絇音與抽同

今年刑在東方

張晏曰是歲在壬申刑在東方

誅貉

之部先縱焉捕斬虜騎平定東域虜知殄滅在于漏刻此乃天地羣神社稷宗廟佑助之福公卿大夫士民同心將率虓虎之力也

師古曰虓音火交反

予甚嘉之其更名高句

驪為下句驪布告天下令咸知焉於是貉人愈犯邊東北與西南夷皆亂云莽志方盛以為四夷不足吞滅專念稽古之事復下書曰伏念予之皇始祖考虞帝受終文祖在璿璣玉衡以齊七政遂類于上帝禋于六宗望秩于山川徧于羣神巡狩五嶽羣后四朝敷奏以言明

試以功師古曰解並在前予之受命即眞到于建國五年己五

載矣陽九之院既度百六之會已過歲在壽星填在明

堂倉龍癸酉德在中宮

服虔曰倉龍太歲也張晏曰太歲起於甲寅為龍東方倉癸德

在中宮也晉灼曰壽星角亢也東宮倉龍房心也心為

明堂填星所在其國昌莽自謂土也土行主填星癸德

在中宮宮

又土也觀晉掌歲龜策告從

孟康曰觀辰星進退掌主也晉灼曰國語晉文

公以卯出酉入過五鹿得土歲在壽星其日戊申莽欲

法之以為吉祥正以二月建寅之節東巡狩者取萬物

生之始也視晉識太歲所在宿度所合卜筮皆吉故法之

其以此年二月建寅之節

東巡狩具禮儀調度

師古曰調音徒鈞反

羣公奏請募吏民人馬

布綿又請內郡國十二買馬發帛四十五萬匹輸常安
前後母相須師古曰須待也至者過半葬下書曰文母太后體
不安其且止待後是歲改十一公號以新為心後又改
心為信五年二月文母皇太后崩葬渭陵與元帝合而
溝絕之如淳曰葬於司馬門內作溝絕之立廟於長安新室世世獻祭
元帝配食坐於牀下葬為太后服喪三年大司馬孔永
乞骸骨賜安車駟馬以特進就朝位同風侯遂並為大
司馬是時長安民聞莽欲都雒陽不肯繕治室宅師古曰繕

也或頗徹之莽曰玄龍石文曰定帝德國雒陽符命著

明敢不欽奉以始建國八年歲躔星紀

孟康曰躔居也
星紀在斗牽牛

間師古曰躔音直連反在雒陽之都其謹繕修常安之都勿令

壞敗敢有犯者輒以名聞請其罪是歲烏孫大小昆彌

遣使貢獻大昆彌者中國外孫也其胡婦子為小昆彌

而烏孫歸附之莽見匈奴諸邊並侵意欲得烏孫心迺

遣使者引小昆彌使置大昆彌使上保成師友祭酒滿

昌劾奏使者曰夷狄以中國有禮誼故詘而服從大昆

彌君也今序臣使於君使之上非所以有夷狄也奉使
大不敬莽怒免昌官西域諸國以莽積失恩信焉耆先
畔殺都護但欽十一月彗星出二十餘日不見是歲以
犯挾銅炭者多除其法明年改元曰天鳳天鳳元年正
月赦天下莽曰予以二月建寅之節行巡狩之禮大官
齎糒乾肉內者行張坐師古曰糒乾飯也張坐臥謂
帷帳茵席也糒音備○宋祁
曰淳化本無內字新所過毋得有所給師古曰言自齎
本肉字下去內者行所過食及帷帳以行
在路所經過不須供費也予之東巡必躬載耒每縣則耕以勸東作

師古曰耒耜曲木也音力對反
○宋祁曰耒字下當有耜字

予之南巡必躬載耨每

縣則薅以勸南偽

師古曰耨鉏也薅耕去草也耨音奴豆反

予之西巡必躬載銍每縣則穫以勸西成予之北巡必

躬載拂每縣則粟以勸蓋臧

師古曰拂音佛所以擊治禾者也今謂之連枷粟謂

治粟畢北巡狩之禮即于土中居雒陽之都焉敢有趨謹

犯法輒以軍法從事

劉德曰趨

譙走呼也羣公奏言皇帝至孝往

年文母聖體不豫躬親供養衣冠稀解因遭弃羣臣悲

哀顏色未復飲食損少今一歲四巡道路萬里春秋尊

非糒乾肉之所能堪且無巡狩須闋大服以安聖體

師古曰

曰閼盡也音口決反臣等盡力養牧兆民奉稱明詔

師古曰副也莽曰

羣公羣牧羣司諸侯庶尹願盡力相帥養牧兆民欲以

稱予繇此敬德

師古曰繇讀與由同

其勗之哉毋食言焉更以天

鳳七年歲在大梁倉龍庚辰行巡狩之禮厥明年歲在

實沈倉龍辛巳即土之中雒陽之都迺遣太傅平晏大

司空王邑之雒陽營相宅兆圖起宗廟社稷郊兆云三

月壬申晦日有食之大赦天下策大司馬逢並曰日食

無光干戈不戢其上大司馬印戟就侯氏朝位太傅平
晏勿領尚書事省侍中諸曹兼官者以利苗男訴為大
司馬如淳曰利苗邑名莽即真尤備大臣抑奪下權朝臣有言
其過失者輒拔擢孔仁趙博費興等以敢擊大臣故見
信任師古曰費音扶味反擇名官而居之公卿入宮吏有常數太
傅平晏從吏過例披門僕射苛問不遜師古曰僕射苛問平晏其言不遜
遜戊曹士收繫僕射應劭曰莽自以土行故使太傅置戊曹士士掾也蘇林曰士者曹掾屬公府諸曹次第之名也師古曰應說是○蕭何曰戊字案春秋說曰土戌也五行書曰戌己屬土王莽自以

土行音懋莽大怒使執法發車騎數百圍太傅府捕士即時

死大司空士夜過奉常亭亭長苛之告以官名亭長醉

曰寧有符傳耶

師古曰傳音張戀反

士以馬箒擊亭長

師古曰箒策也音止

篆反亭長斬士亡郡縣逐之家上書

師古曰亭長家上書自治

莽曰亭

長奉公勿逐大司空邑斥士以謝

○劉攽曰前云斬士後云斥士則非斬也

疑是研字國將哀章頗不清莽為選置和叔

師古曰特為置此官敕曰

非但保國將閨門當保親屬在西州者諸公皆輕賤而

章尤甚四月隕霜殺少木

師古曰少古草字海瀕尤甚

師古曰邊海之

地也瀕音
頻又音賓

六月黃霧四塞七月大風拔樹飛北闕直城

門屋瓦

師古曰北闕直城門瓦皆飛也直
門長安城門名也解在成紀

雨雹殺牛羊

莽以周官王制之文置卒正連率大尹職如太守屬令

屬長職如都尉置州牧部監二十五人見禮如三公監

位上大夫各主五郡公氏作牧侯氏卒正伯氏連率子

氏屬令男氏屬長皆世其官其無爵者為尹分長安城

旁六鄉置帥各一人分三輔為六尉郡

師古曰三輔黃圖云渭城安陵

以西北至栒邑義渠十縣屬京尉大夫府居故長安寺
高陵以北十縣屬師尉大夫府居故廷尉府新豐以東

至湖十縣屬翊尉大夫府居城東霸陵杜陵東至藍田
西至武功郁夷十縣屬光尉大夫府居城南茂陵槐里
以西至汧十縣屬扶尉大夫府居城西長陵池陽
以北至雲陽祋祤十縣屬列尉大夫府居城北 河東
河內弘農河南潁川南陽為六隊郡師古曰隊音遂。
劉奉世曰河南當為榮陽莽所分以為六隊之一也下文自有河南大尹更為保忠信卿置大夫職如太守屬正職如都尉更名河南大尹曰保忠信卿益河南屬縣滿三十置六郊州長各一人劉奉世曰當為六郊衍州字人主五百六十以應符命文也緣邊又置竟尉以男為之竟尉曰師古

音曰

諸侯國閒田為黜陟增減云

師古曰閒音閑以擬有功封賜有罪黜陟

也莽下書曰常安西都曰六鄉衆縣曰六尉義陽東都

曰六州

劉奉世曰州當為郊

衆縣曰六隊

票米之內納粟五百里

皆在甸服之內其外曰近郡有鄣徼者曰

邊郡合百二十有五郡九州之內縣二千二百有三公

作甸侯是為惟城諸在侯服是為惟寧在采任諸侯是

為惟翰

師古曰采采服也任男服也

在賓服是為惟屏

師古曰賓服即古衛服也

服取諸侯賓在揆文教奮武衛是為惟垣在九州之外是

為惟藩

師古曰凡此惟城以下取詩大雅板之篇云介人惟藩大師惟垣大邦惟屏大宗惟翰懷德惟

寧宗子惟城以為名號也解在諸侯王年表

各以其方為稱總為萬國焉其

後歲復變更一郡至五易名而還復其故吏民不能紀

每下詔書輒繫其故名曰制詔陳留大尹太尉其以益

歲以南付新平

蘇林曰陳留園縣莽改曰益歲

新平故淮陽以雍丘以

東付陳定陳定故梁郡以封丘以東付治亭治亭故東

郡以陳留以西付祈隧

祈隧即莽六隊之一劉奉世曰此祈

也莽蓋分河南之榮陽置郡

陳留已無復有郡矣大尹太尉皆詣行

在所其號令變易皆此類也令天下小學戊子代甲子

為六旬首冠以戊子為元日

師古曰冠音工
師古曰昏
喚反元善也

昏以戊寅

之旬為忌日

師古曰昏
謂娶妻也

百姓多不從者匈奴單于知死

弟咸立為單于求和親莽遣使者厚賂之詐許還其侍

子登因購求陳良終帶等單于即執良等付使者檻車

詣長安莽燔燒良等於城北令吏民會觀之緣邊大饑

人相食諫大夫如普行邊兵

師古曰行
音下更反

還言軍士久屯

塞苦邊郡無以相贍今單于新和宜因是罷兵校尉韓

威進曰以新室之威而吞胡虜無異口中蚕蝪臣願得
勇敢之士五千人不齎斗糧饑食虜肉渴飲其血可以
橫行莽壯其言以威為將軍然采普言徵還諸將在邊
者免陳欽等十八人又罷四關填都尉諸屯兵會匈奴
使還單于知侍子登前誅死發兵寇邊莽復發軍屯於
是邊民流入內郡為人奴婢迺禁吏民敢挾邊民者弃
市益州蠻夷殺大尹程隆三邊盡反遣平蠻將軍馮茂
將兵擊之寧始將軍侯輔免講易祭酒戴參為寧始將

軍二年二月置酒王路堂公卿大夫皆佐酒

師古曰行酒

大赦天下是時日中見星大司馬苗訴左遷司命以延德

侯陳茂為大司馬訛言黃龍墮死黃山宮中百姓犇走

往觀者有萬數莽惡之

師古曰莽自謂黃德故有此妖

捕繫問語所從

起不能得單于咸既和親求其子登屍莽欲遣使送致

恐咸怨恨害使者迺收前言當誅侍子者故將軍陳欽

以他臯繫獄欽曰是欲以我為說於匈奴也

師古曰說解說也託

言以其前建議誅

侍子今故殺之

遂自殺莽選儒生能穎對者

師古曰穎與專

同專對謂應對無方能專其事濟南王咸為大使五威將琅邪伏黯等

為帥使送登屍敕令掘單于知墓棘鞭其屍又令匈奴

却塞於漠北責單于馬萬匹牛三萬頭羊十萬頭及稍

所畧邊民生口在者皆還之。

劉放曰稍所畧非辭當云所鈔畧傳寫誤爾莽

好為大言如此咸到單于庭陳莽威德責單于背畔之
臯應敵從橫單于不能訛遂致命而還之。

劉奉世之字行入

塞咸病死封其子為伯伏黯等皆為子莽意以為制定
則天下自平故銳思於地里制禮作樂講合六經之說

公卿旦入暮出議論連年不決不暇省獄訟冤結民之

急務縣宰缺者數年守兼

師古曰不拜正官權令人守兼

一切貪殘日

甚

○宋祁曰甚下當有是時二字

中郎將繡衣執法在郡國者並乘權

執傳相舉奏

○宋祁曰傅疑作傳

又十一公士分布勸農桑班時

令案諸章冠蓋相望交錯道路召會吏民逮捕證左郡

縣賦歛遞相賄賂白黑紛然

○師古曰白黑謂清濁也紛然亂意也言清濁不分也

守闕告訴者多莽自見前額權以得漢政故務自懾衆

事

○師古曰懶與擎同其字從手

有司受成苟免

○師古曰成熟乃以付吏吏苟

免罪責諸寶物名帑藏錢穀官皆宦者領之師古曰帑音他莽反

又音吏民上封事書宦官左右開發尚書不得知其畏

備臣下如此又好變改制度政令煩多當奉行者輒質

問乃以從事

師古曰質正也

前後相乘憤眊不渫

師古曰乘積也登也憤眊

不明也渫散也徹也憤音莫報反

莽常御燈火至明猶不能勝尚

書因是為姦寢事上書待報者連年不得去拘繫郡縣

者逢赦而後出衛卒不交代三歲矣穀常貴邊兵二十

餘萬人仰衣食縣官愁苦

師古曰仰音牛向反

五原代郡尤被其

毒起為盜賊數千人為輩轉入旁郡莽遣捕盜將軍孔

仁將兵與郡縣合擊歲餘迺定邊郡亦畧將盡

師古曰
言其逃亡者少也

結為盜賊邯鄲以北大雨霧水出深者數丈

○劉攽曰
霧字

非疑流殺數千人立國將軍孫建死司命趙閔為立國將

軍寧始將軍戴參歸故官南城將軍廉丹為寧始將軍

三年二月乙酉地震大雨雪

師古曰
雨音于具反

關東尤甚深者

一丈竹栢或枯大司空王邑上書言視事八年功業不

效司空之職尤獨廢頓至迺有地震之變願乞骸骨莽

曰夫地有動有震震者有害動者不害春秋記地震易
繫坤動動靜辟脅萬物生焉師古曰辟讀曰闢開也脅
收斂也易上繫之辭曰夫
坤其動也開其靜也翕是以廣生焉故引之也翕脅之聲相近義則同
災異之變各有云為天地動威以戒予躬公何幸焉而乞骸骨非所以助
予者也使諸吏散騎司祿大衛修寧男遵諭予意焉五月
莽下吏祿制度曰予遭陽九之阨百六之會國用不足
民人騷動自公卿以下一月之祿十綬布二匹孟康
曰綬八十縷也師古曰綬音子公反韋昭曰四
秉曰昔十倍曰綬十綬為禾四百秉也或帛一匹予

每念之未嘗不戚焉今院會已度府帑雖未能充略有
稍給其以六月朔庚寅始賦吏祿皆如制度四輔公卿
大夫士下至輿僚凡十五等僚祿一歲六十六斛稍以
差增上至四輔而為萬斛云莽又曰普天之下莫非王
土率土之濱莫非王臣師古曰莽引小雅北山之詩也蓋以天下養焉
周禮膳羞百有二十品令諸侯各食其同國則謂公食
子男食則也辟任附城食其邑師古曰辟君也任公主
祁曰如淳曰辟公主也任宗室女也蕭該按爾雅曰皇王后辟君也公卿大夫元士食其

采師古曰謂因官而職也多少之差咸有條品歲豐穰則充其

禮師古曰穰音人掌反有災害則有所損與百姓同憂喜也其用

上計時通計天下幸無災害者太官膳羞備其品矣即

有災害以什率多少而損膳焉

○宋祁曰什當有計字東嶽太師

立國將軍保東方三州一部二十五郡南嶽太傅前將

軍保南方二州一部二十五郡西嶽國師寧始將軍保

西方一州二部二十五郡北嶽國將衛將軍保北方二

州一部二十五郡大司馬保納卿言卿仕卿作卿京尉

扶尉兆隊右隊中部左洎前七部

服虔曰大司馬保此官皆如郡守也晉灼

曰左與前故特七部師古曰洎亦泉字也泉及也隊音遂此下並同

大司徒保樂卿典卿

宗卿秩卿翼尉光尉左隊前隊中部右部有五郡大司

空保予卿虞卿共卿工卿師尉列尉祈隊後隊中部洎

後十郡

師古曰共讀曰供。劉攽曰此文誤但當云大司馬保納言卿作仕卿大司徒保典樂卿秩宗

卿大司空保予虞卿共工卿不合分為兩也劉奉世曰其言七部亦當云七郡然其有二十二郡尚未及二十

五郡疑字

當有誤及六司六卿皆隨所屬之公保其災害

奉世○劉

曰莽所六司又已有六卿此當但云司卿即所謂三公司卿曰司允司直司若者也後人不曉又妄加兩六字

耳亦以十率多少而損其祿卽從官中都官吏食祿都內之委者以大官膳羞備損而為節

師古曰言隨其多少諸侯辟

任附城羣吏亦各保其災害幾上下同心

師古曰幾音曰冀勸

進農業安元元焉莽之制度煩碎如此課計不可理吏

終不得祿各因官職為姦受取賄賂以自共給

師古曰共讀曰

供是月戊辰長平館西岸崩邕涇水不流毀而北行

師古

遣大司空王邑行視

師古曰行音下更反

還奏狀羣臣上

曰邕讀曰壅

壽以為河圖所謂以土填水

師古曰填音與鎮同

匈奴滅亡之祥

也乃遣并州牧宋弘遊擊都尉任萌等將兵擊匈奴至

邊止屯七月辛酉霸城門災民間所謂青門也

師古曰
三輔黃

圖云長安城東出南頭名霸城門俗以其色青名曰青門

戊子晦日有食之大赦天

下復令公卿大夫諸侯二千石舉四行各一人

師古曰
依漢光

祿之四科○劉奉世曰四行蓋前已舉德行言語政事文學今復令舉之非光祿四行

大司馬陳

茂以日食免武建伯嚴尤為大司馬

如淳曰莽之伯子男號也

十月

戊辰王路朱鳥門鳴晝夜不絕崔發等曰虞帝闢四門

通四聰

師古曰虞書敘舜之德也闢四門明四目達四聰故引之

門鳴者明當修先

聖之禮招四方之士也於是令羣臣皆賀所舉四行從
朱鳥門入而對策焉平蠻將軍馮茂擊句町士卒疾疫
死者什六七賦斂民財什取五益州虛耗而不克徵還
下獄死更遣寧始將軍庶丹與庸部牧史熊擊句町頗
斬首有勝莽徵丹熊丹熊願益調度必克乃還復大賦
斂就都大尹馮英不肯給上言自越雋遂久仇牛同亭
邪豆之屬反畔以來積且十年服虔曰遂久縣名也
仇牛等越雋旁夷郡
縣距擊不已續用馮茂苟施一切之政僰道以南山險

高深茂多敵衆遠居

師古曰敵讀與驅同

費以億計吏士離毒氣

死者什七

師古曰離遭也

今丹熊懼於自詭期會

師古曰詭責也自以為憂

責調發諸郡兵穀復訾民取其十四

財十取其四也

空破梁州功終不遂

師古曰遂成也

宜罷兵屯田

○宋祁曰宜或作一旦者非是

明設購賞莽怒免英官後頗覺寤曰英亦未可厚非復

以英為長沙連率翟義黨王孫慶捕得莽使太醫尚方

與巧屠共剗剝之

師古曰剗剝音口胡反

量度五藏

師古曰度音徒各反以

竹筵導其脉知所終始云可以治病

師古曰筵竹挺也音庭以知血脉之

原則盡攻療之道也。宋祁曰蕭該音義鄭氏曰筵音平訂之訂筵草也予案字書曰訂評議也音亭字林曰

筵維絲管
也大丁反

是歲遣大使五威將王駿西域都護李崇將

戊己校尉出西域諸國皆郊迎貢獻焉諸國前殺都護

但欽駿欲襲之命佐帥何封戊己校尉郭欽別將師古曰別

領兵在後也

將音子亮反焉者詐降伏兵擊駿等皆死欽封後到襲

擊老弱從車師還入塞莽拜欽為填外將軍

師古曰填音竹刃反

封剝胡子

韋昭曰剝音子小反

何封為集胡男西域自

此絕

前漢書卷九十九中

前漢書卷九十九中考證

王莽傳中始建國元年。顧炎武曰荀悅漢紀記莽事
自始建國元年以後則云其二年其三年以至其十
五年以別於正統而盡沒其天鳳地皇之號

中傳將孺子下殿。○後書注引前書音義中傳宦者也
又置司恭司徒。臣召南按此司徒當作司從與聰明
恭一例舊本別本俱誤耳

惟王氏虞帝之後也出自帝嚳劉氏堯之後也出自顓

項。○按謂舜出于譽堯出于項莽于是直誣古帝矣。
遣五威將王奇等十二人班符命云云。○臣召南按五
威將十二人其將一人各有帥五人故下文云五威
將帥七十二人還奏事也。

并州平州尤甚。○胡三省曰此時未有平州漢末公孫
度自稱平州牧魏始分幽州置平州平字誤也。

謹案第二十五頁前八行分填緣邊大郡刊本郡
訛都據監本改

第二十八頁前六行諸公一同刊本同訛國據監
本改



總校官庶吉士臣張能照

校對官編修臣朱攸

謄錄監生臣許思光